

# INDEX GEOGRAPHICUS. 37

Cilicia. Ciliciæ mentio est in Judith. 1. 2. & 3. v. 1. & 2. Mach. 6. v. 9. & 15. v. 23. 41. Act. Ap. in peregrinatione aut navigatione Pauli. c. 21. autem v. 39. dicit se hominem quidem Judæum: sed è Tarso Ciliciæ, non ignotæ civitatis municipem. sic & 22. v. 3. sed 27. v. 5. Et pelagus (inquit) Ciliciæ & Pamphylia navigantes, venimus Lystram, quæ est Lyciæ... Pro Lystra Græci & Syriaci codices legunt Myra, quæ Lyciæ urbs est, non Lystra, quæ Lycaonia. Ordoque navigationis postulat aut Myram aut Pataram, quæ maritimæ sunt Lyciæ urbes, non Lystra, quæ Lycaonia, longèque in Mediterraneis.

Cina primæ partis Tribus Juda quarta describitur inter Jagur & Dimona, Jos. 15. v. 22. Sina cujus meminit Josue eod. c. v. 3. in limite meridionali Tribus Juda cum Senna, Num. 34. v. 4. proculdubio convenit; an vero utraque cum Sina Tribus Juda, non facile est dicere, neque etiam, si Ceni regio, si Cinæi & Sinæi, ad nostram hanc Cinam respondeant.

Cinæi. V. Cina. Cinæi ipsi inter Amalecitas degebant. Cum etenim Saül à Domino jussus esset, ut Amalec funditus deleteret, Saül Cinæo dixit; ut è medio Amalec recederet, ne cum illo involveretur. Cinæo autem pepercit Saül, quod misericordiam fecisset filiis Israël, cum ascenderent de Ægypto, ex 1. Reg. 15. v. 6. Cinæos tamen Abrahamo promittit Dominus: Genes. 15. v. 18. Semini tuo dabo Terram hanc... v. 19. Cinæos & Cenezæos... & Numer. 24. v. 21. 22. Balaam dicit; Cinæos aliquando ab Assyriis capiendos, quod demùm factum est cum à Nabuchodonosore regnum Judæ deletum est.

Cison, geminus est hujus nominis Torrens, qui è monte Thabor descendens alter in Mare Galilææ Orientem versus, alter in Mare magnum sive Occidentale descendit. Utriusque mentio videtur in Cantico Debbo- ræ & Barac, pro victoria in Sisaram, Judic. 5. v. 21. Torrens Cison traxit cadavera eorum, Torrens Cadumin, Torrens Cison, &c. & eodem etenim versu semel atque iterum est Torrens Cison.

Cisterna vetus, in quam Josephum demiserunt fratres ejus, & ex qua postea extractum vendiderunt Ismaëlitis viginti argenteis, qui in Ægyptum eum abduxerunt, Genes. 37. v. 24. 28.

Civitas Solis undecimæ, & ultimæ partis Tribus Judæ, ubi urbes sex, quinta ea describitur inter Nebsan & Engaddi, Josue 15. v. 62. ad vallem Salinarum sita videtur.

Coa, unde equi ad Salomonem educebantur, 3. Reg. 10. v. 28. & 1. Paralip. 1. v. 16. Urbs est Felicis Arabiæ, etiam Ptolem. Coa. 6. c. 7.

Cœlesyria Syriæ pars ea est, quæ Latine Cava, i. plana & humilis appellatur; & quæ Phœniciæ & Arabiæ, tum & Judææ, five potius Samariæ & Galilææ contigua, cum iis aliqua ex parte confunditur: ex quo pene ubique Cœlesyria & Phœnice junguntur in Esdra, & 1. & 2. Mach. ubi hujus nominis mentio multoties est, non alibi.

Collis aqueductus, qui est ex adverso vallis itineris deserti in Gabaon. 2. Reg. c. 2. v. 24. & penes quem fugientem Abner insequutus Afaël frater Joab, ab ipso aversâ hastâ transfossus, mortuus est, v. 23.

Colosse urbs in Asia Minori, ad cujus cives Paulus Epistolam scripsit ad Colossenses; in ea mentio est Hierapolis, & Laodiceæ, quæ etiam in Asia Minori, & propè Colossas. Et verè somniant, qui hos Colossenses Rhodios putant.

Comosgana Galilææ vicus ex Josepho in vita sua. Loci positio necdum aliqua nota est.

Corinthus Achaïæ urbs celeberrima Græcis Latinisque scriptoribus. In Act. Apost. 18. v. 1.... Paulus ab Athenis venit Corinthum, ubi Aquilam & Priscillam uxorem ejus inveniens, per annum & men-

| Latit.<br>Gr. Scr.    | Longit.<br>Gr. Scr.   |
|-----------------------|-----------------------|
| 37. 30.               | 66. 0.                |
| 31. 1.                | 66. 18.               |
| 31. 1.                | 66. 18.               |
| 32. 32. $\frac{1}{2}$ | 67. 15.               |
| 32. 40.               | 68. 49.               |
| 32. 43.               | 67. 17. $\frac{1}{2}$ |
| 31. 15.               | 66. 52.               |
| 16. 15.               | 83. 40.               |
| 33. 0.                | 70. 0.                |
| 38. 20.               | 60. 5.                |
| 37. 5.                | 48. 50.               |